



सा:गु भिंगु मरिचरिया नितिं लुमंका दिसैं !

लक्ष्मण जमाल /चिलिमि'
प्रोप्राइटर

लाखा छैं
LAKHA CHHEN

सोन्हुष्टे, वडा नं. १६, यैं, फोन नं.: ४५६०७५८

मेयर व वडा अध्यक्ष दथुइ दुब्दु तच्चल शतप्रतिशत कार्यपालिका दुज:पाखें बैठक माग

• लहना संवाददाता

लहना वा:पौ/यैं
महानगरपालिकाया मेयर बालेन शाहयात कार्यपालिका बैठक स:तेगु माग यासैं शतप्रतिशत कार्यपालिका दुज:तय्सं निवेदन दर्ता याकगु दु ।

उपमेयर सुनिता डंगोलिसैं यैं मनपाया कार्यपालिका दुज:पिं सकसिनं हे लहा:चिं तया: कार्यपालिका बैठक स:तेत माग या:गु ख: । वंगु खुला न्ह्य:निसैं स:तेमा:गु कार्यपालिका मुँज्या मस:तगु हुनिं यैं मनपाया ४१ म्ह कार्यपालिका दुज:पिसं मंका: लहा:चिं तया: मुँज्या स:तेत माग या:गु ख: ।

थ्वयां न्ह्य: २३ म्ह कार्यपालिका दुज:पिसं बैठक स:तेत माग याना: चैत्र १० गते पौ ल:लहा:गु ख:सा बालेन शाहं उकियात बेवास्ता यायेवं न्ह्य: न्ह्या दुने बैठक स:तेत माग याना: पौ ल:लहा:गु ख: ।

यैं महानगरपालिकाया मेयर बालेन साह व वडा अध्यक्षतय् दथुइ ब्वलंगु विवाद अफ्न तच्चया वनेगु सम्भावना अप्वया वनाच्चंगु दु । मेयर बालेन साह वंगु जेठ ८ गते यैं महानगरपालिकाया प्रवक्ता लिसैं १७ वडाया अध्यक्ष नविन मानन्धरयात



स्पष्टीकरण न्यनेवं विवाद तच्चया वनाच्चंगु संकेत खनेदुगु ख: । थ्व स्वयां न्ह्य: यैं महानगरपालिकाया प्रमुख प्रशासकीय अधिकृत सरोज गुरागाई बालेन साहया जव: लहा: जुयाच्चंमह नगर प्रहरी प्रमुख राजुनाथ पाण्डेयात स्पष्टीकरण न्यंगु ख: । पाण्डेयात स्पष्टीकरण न्यनेवं मेयर साहं प्रवक्ता मानन्धर वंगु लछि न्ह्य: छगू टिभीइ बिउगु अन्तर्वार्तायात कया: स्पष्टीकरण न्यंगु ख: ।

मेयर साहया सचिवालयं प्रवक्ता मानन्धरयात अभिव्यक्ति स्वतन्त्रताया सीमां पिहां वना: व्यक्तिगत चरित्र हत्या या:गु, सामाजिक प्रष्टिया ल्चव: लाकेगु ज्या या:गु धासैं स्पष्टीकरण न्यंगु ख: । लिसैं स्पष्टीकरण पतिइ माफी फवनेत नं आदेश बियात:गु ख: ।

प्रवक्ता मानन्धरयात स्पष्टीकरण न्यंगु बारे वय्कल:यात तयागु न्ह्यस:या बारे वय्कलं धयादिल, 'जिं छगू टेलिभिजनय् अन्तर्वार्ता बियागु ख: ।

वहे खँयात कया: स्पष्टीकरण न्यंगु ख: । उकिया लिस: बीगु वा मबीगु धइगु बारे पासापिं लिसैं सहलह यानाच्चनागु दु ।

मेयर जुजु महाराजा मखु वय्कलं धा:गु फुक्कं ज्या यायेत जिं कारिन्दा मखु । जिं नं जनप्रतिनिधि ख: । जिगु नं थ:गु हे धापू दइ । अथे जुया: मेयर स्पष्टीकरण न्यनेवं जिं स्पष्टीकरण बीमा: धइगु मखु । गन तक माफी फवनेमा: धका: वय्कलं धयादीगु दु । मेयर सिंहदरबार

च्याके धायेबलय् माफी फवने म्वा:गु ? बहालवाला प्रधानमन्त्रीयात भ्रष्टचारी धायेबलय् माफी फवनेमा:गु अले जिं माफी फवनेमा:गु ? लोकतन्त्रय् थथे जुइ मखु । लोकतन्त्रय् फुकस्यां अभिव्यक्ति बीगु अधिकार दु ।

मेयर बालेन साहं यैं महानगरपालिकाया प्रमुख प्रशासकीय अधिकृत सरोज गुरागाईयात यैं दयेकाच्चंगु भ्यु टावरय् भ्रष्टाचार या:गु धासैं कारबाही यायेगुया लिसैं छानबिन समिति नीस्वंगु ख: । तर मेयर साहं नीस्वंगु छानबिन समितिं प्रमुख प्रशासकीय अधिकृतया दोष मदु धइगु प्रतिवेदन बिउगु ख:सा मेयर साहं उगु प्रतिवेदन हे आ: तक सार्वजनिक यायेगु ज्या मया: ।

यैं महानगरपालिकाया प्रमुख प्रशासकीय अधिकृत मदयेवं अनया कर्मचारीतय्सं प्यला तक तलब तक नये मखंगु अवस्था व:गु ख:सा उकियात समाधान यायेगु इवलय् प्रमुख प्रशासकीय अधिकृत गुरागाईयात उपमेयर सुनिता डंगोल, वडा अध्यक्षपिं व महानगरपालिकाया कर्मचारी गुरागाईयात कार्यक्षम यंकेगुया लिसैं त्यं ७ पेजय्

न्यागू भासं पत्रकार आचारसंहिता



लहना वा:पौ/ प्रेस काउन्सिल नेपालं थीथी न्यागू भाषाय् अनुवाद याना: पत्रकार आचारसंहिता सार्वजनिक या:गु दु । थुकिया लिसैं नेपा:या मिडिया क्षेत्रय् थीथी च्यागू माभासं आचारसंहिता पिदंगु दु ।

वंगु शुक्रवा: काउन्सिल अध्यक्ष बालकृष्ण बस्नेत, भाषा आयोगया अध्यक्ष डा.गोपाल ठाकुर व राष्ट्रिय समाचार समातिया अध्यक्ष धर्मेन्द्र भां भोजपुरी, राई बान्तवा, तामाङ, डोट्याली, लिम्बु भाषाय् अनुवाद जगू पत्रकार आचारसंहिता

सार्वजनिक या:गु ख: । थ्व स्वयां न्ह्य: काउन्सिलं थारु, मैथिली व नेपालभाषाय् अनुवाद जगू आचार संहिता सार्वजनिक यायेधुकूगु दु ।

काउन्सिलं खस नेपाली भाषाया पत्रकार आचारसंहितायात नेपालभाषा, थारु, मैथिली, राई बान्तवा, वाम्बुले राई, भोजपुरी, तामाङ व डोट्याली भाषाय् अनुवाद या:गु ख: । उकी मध्ये न्यागू भाषाय् अनुवाद जगू आचार संहिता शुक्रवा: सार्वजनिक या:गु ख: ।

त्यं ७ पेजय्





नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे ज: जुया धुन लुइ धुन
ह्यांगु भुमिइ अष्टमण्डल ह्यांगु चा: दुने थी नगु
भीगु नेवा: ध्वाँय् थ्व हे ख: ज्ञान भी सकस्यां छगू
जातितय् स्वायत्त राज्यं लुइ कपं च्वय् फिलिमिलिं
राष्ट्र भ:भ: धाय्क न्ह्याके भीगु च:तिं भीगु हिं

सम्पादकीय

नेपालय् मातृभाषा पत्रकारिता

नेपालय् मातृभाषाया पत्रकारिता न्ह्या:गु सच्छि दँ दयेधुंकल। धर्मादित्य धर्माचार्य भारतया कलकत्तां बुद्ध नेपालभाषा धर्म पत्रिका नेस १०४५ सालय् प्रकाशन याना: न्ह्या:गु पत्रिका हे आ: तक पिहांव:गु मातृभाषाया न्हापांगु पत्रिका जूगु दु। नेपालभाषां पिहांव:गु मातृभाषा पत्रिका बुद्ध धर्म पत्रिका हे नेपा:या न्हापांगु पत्रिका जूगुलि नेवा: पत्रकार राष्ट्रिय दबू नं मातृभाषा पत्रकारिता शताब्दी दिवस कथं हनेज्या या:गु च्छछाय् बहगु ज्या जूगु दु।

नेपालभाषा बाहेकया पत्रकारिता सम्बन्धित भाषाया पत्रकारतय् जक चिउता:या विषय जुयाबिउगु दु। बहुजातीय, बहुभाषिक, बहुसांस्कृतिक नेपा: निर्माणया लक्ष्य प्राप्तिया निंतिं थीथी भाषाया पत्रकारिताया हैसियत, चुनौती, व राज्य सम्बोधन यायेमा:गु विषय नं अझ न बहसया विषय जुइमा:। तर राज्यया संरचना, थीथी भाषाया विकास नाप स्वापू दुगु संवैधानिक व कानूनी हैसियत संकुचित जुजुं वनाच्चंगु, अले मूलधारया विषय धयात:गु कारणं थ्व विषय ता: ई तक सार्वजनिक चर्चाया विषय मजुल। २०६२/०६३ या जनआन्दोलन, संघीय राज्यया व्यवस्था, अले राज्यया समावेशी चरित्र राजनीतिया केन्द्रविन्दु जुइवं थ्व विषयस सहलह सुस्त गतिं न्ह्या:गु दु।

थज्या:गु अवस्थाय् संघीय, लोकतान्त्रिक, गणतान्त्रिक राज्य व्यवस्था हिला जक सम्भव जुइ। थुनिया हुनिं आ: ब्वलंगु विषययात केन्द्रित याना: उकिया निष्कर्ष व घोषणापत्रयात सम्बोधन यायेगु राज्यया आधारभूत जिम्मेवारी ख:। थ्व जिम्मेवारी संविधानया प्रस्तावनाया मर्मयात जीवन्त याना: संघीयताया भावना ब्वलंकेंगु लक्ष्यलिसे स्वानाच्चंगु दु, अले थ्व द्वलंद्व: दँ लिपा निर्माण जूगु भाषा, उकिया ज्ञान व संस्कृतिया संरक्षणया मुद्दालिसे स्वानाच्चंगु दु। भाषा, संस्कृति, अलिखित परम्परा व ज्ञानया संरक्षण यायेगु विशेष लक्ष्य मातृभाषा पत्रकारिता ख:।

१०१ दँ न्ह्य: नेपा:या धर्मादित्य धर्माचार्य (जगतमान वैद्य) न्हापांखुसी भारतया कलकत्तां नेपालभाषां 'नेपाल भाषा व बुद्धधर्म' पत्रिका पिथनादीबलय् उकिया नापनापं बुद्ध धर्म प्रचार प्रसार यायेगु व नेपालभाषा साहित्यया विकास यायेगु आजु तयादीगु ख:। व पत्रिकां लिपा देय्या सामाजिक जागरण व राणा विरोधी चेतनाय् भूमिका म्हितल। थुकिं नेपालभाषां च्वइपिं आपालं च्वमिपिं पिहांवल। २५ दँ लिपा नेपालय् नेपाली भाषा लिपा दकलय् अप्व: न्ववाइगु भाषाया निगूगु मैथिली भाषाया न्हिपौ शुभारम्भ जुल। मैथिली भाषाया पत्रकारिताया उद्देश्य भाषाया विकासया नापनापं साहित्यया विकास यायेगु ख:।

नेपा:या संविधानं नेपालय् ल्हाइगु फुक्क भाय्यात राष्ट्रिय भाषा घोषणा या:गु दु। लोकतन्त्रया आत्मा जुयाच्चंगु जनताया वाक व अभिव्यक्तिया स्वतन्त्रता, प्रेसया स्वतन्त्रताया नं मातृभाषाया पत्रकारिता अभ्यास यायेत अझ अप्व: समुदाय व जनतायात अभ्यास याके बीत भूमिका म्हितूगु दु। मातृभाषा संचार माध्यमया प्रवर्द्धन यायेत राज्य ठोस पला: ल्ह्वनेमा:गु आवश्यकता दु, अले थुनिया अभ्यास विशेष याना: राज्य नियन्त्रित सञ्चार माध्यमय् निजी क्षेत्रं सञ्चालन यानाच्चंगु त:धंगु सञ्चार माध्यमय् प्रतिबिम्बित जुइमा:गु आवश्यकता दु।

नेतातय्के नैतिकताया अभाव



दिलीप शाही “शान्तिचज्जु”

त्रिभुवन अन्तर्राष्ट्रिय विमानस्थल अध्यागमन कार्यालयं भिजिट भिसाय् सेटिड या:गु धासैं अख्तियार दुरुपयोग अनुसन्धान आयोगं प्रमुख अध्यागमन अधिकृत सहसचिव तीर्थराज भट्टराईयात कया: छानबिन न्ह्याकेवं गृह मन्त्री रमेश लेखकं राजीनामा बीमा:गु वा



म्वा:गु धइगु खँय् सत्तारुढ पार्टी दथुइ विवाद ब्वलंगु दु। नेपाली कांग्रेसया दुनेया छगू पक्षं गृह मन्त्रालय अन्तर्गतया अध्यागमन विभागया कर्मचारी दुथ्या:गु घुस काण्ड सार्वजनिक जुइवं गृह मन्त्री नैतिकताया आधारय् राजीनामा बीमा:गु खँ धयाच्चंगु दुसा मेखे मेगु पक्षं धा:सा गृह मन्त्रालयया कर्मचारीया काण्डय् गृह मन्त्री राजीनामा बीमा:गु आवश्यकता मदु धइगु खँ धायेगु यानाच्चंगु दु।

छगू पार्टी दुने थुकथं छगू पक्षं राजीनामा बीमा: धका: धयाच्चंगु दुसा मेगु पक्षं म्वा: धयाच्चंगुया लिउनेया कारण धइगु पार्टी दुने दुगु गुटगत राजनीति ख: धका: धायेमा:गु अवस्था जुयाच्चंगु दु। विशेष याना: पार्टी सभापति शेरबहादुर देउवा पक्षं गृह मन्त्री तत्काल राजीनामा बीमा:गु अवस्था मदु धका: धयाच्चंगु दु। तर मेखे शेखर कोइराला पक्षं धा:सा गृह मन्त्री नैतिकताया आधारय् राजीनामा बीमा:गु खँ धयाच्चंगु दु। थुनिया दथुइ कांग्रेस कांग्रेसया प्रखर नेता कथं चर्चा वयाच्चपिं महामन्त्रीपिं धा:सा अझ नं थ:पिनिगु धापू सार्वजनिक धा:सा या:गु मदुनि।

शेखर कोइराला नेतृत्वया पुचलं भिजिट भिसा सेटिडय् गृह मन्त्रालयया कर्मचारी जक मखु गृह मन्त्रीयात कया: तक न्ह्यस: ब्वलनेधुंकूगुलिं याना: निष्पक्ष छानबिनया निंतिं लैपु चायेकत गृह मन्त्री लेखकं राजीनामा बीमा:गु खँ धायेगु यानाच्चंगु दु। नेता कोइरालं न्हापा न्हापा नं छुं मन्त्रीतय्सं थ:पिंत कया: न्ह्यस: ब्वलनेवं राजीनामा बिया: ग्वाहालि या:गु धासैं थ्व विषययात कया: नं गृह मन्त्री राजीनामा बीमा:गु खँ धयादीगु ख:। वय्कलं गृह मन्त्रीयात सुभाब बिसें धयादीगु ख: नैतिक रुपं जि क्लिन दु। जिं राजीनामा याना। छानबिन समिति

छिकापिसं छानबिन समितिदयेका दिसैं।' धायेमा:गु ख:।

कोइरालाया धापू व:गु छन्हु लिपा हे कांग्रेसया संस्थापन पक्षीया नेता कथं म्हसिउम्ह पुलांम्ह महामन्त्री कृष्णप्रसाद सिटौलां छम्ह कर्मचारीं या:गु गल्लीया आधारय् गृह मन्त्रीया राजीनामा फवनेगु गलत जूगु खँ धयादीगु ख:। वय्कलं कर्मचारीया गलत क्रियाकलापयात आधार दयेका: मन्त्रीया राजीनामा फवनेगु ज्यां गलत नजिर च्वनेगु खँ धयादीगु ख:। थुकिं छुं खँ स्पष्ट या: धा:सा नेपा:या राजनीतिक पार्टीत थ: नेता कार्यकर्ता या:गु गलत ज्यायात पक्षपोषण यायेगु ज्या यानाच्चंगु दु। उकिया ज्वलन्त उदाहरण प्रधानमन्त्री केपी शर्मा ओली ख:। प्रधानमन्त्री



ओलीं नेकपा एमालेया सचिवालयया बैठकय् थ:गु धापू तयेगु इवलय् गल्ली याम्ह कर्मचारी हे सजाय फयेमालिगु खँ धयादीगु ख:। सचिवालय बैठकय्



प्रधानमन्त्री केपी शर्मा ओली धयादिल, 'सुं नं कर्मचारी गल्ली यात धा:सा सजाय जुइ। मन्त्रालय अन्तर्गतया गुगुं नं कर्मचारीया ज्याय् मन्त्री भागिदार जुइमखु। सुं नं कर्मचारी गल्ली यात धा:सा मन्त्री राजीनामा बीगु ख:सा मन्त्रालय न्ह्याये फइमखु।' तर थन मू खँ छु धा:सा भिजिट भिसा प्रकरणय् सहसचिव याक:चा मखु धइगु खँ स्पष्ट जुयाच्चंगु दु। उकिया फेरिस्त ता:हाक: जुजुं वनाच्चंगु खँ सार्वजनिक जुयाच्चंगु दु। छम्ह सचिवया खँ जुल धा:सा ख: मन्त्री राजीनामा बीमा:गु आवश्यकता मदयेफु। तर थन छम्ह सचिवया खँ मखु। मुकं संयन्त्रयात कया: न्ह्यस: ब्वलंगुलिं याना: हे गृह मन्त्री राजीनामा बीमा:गु माग जुयाच्चंगु ख:।

अथे ला प्रधानमन्त्री केपी ओलीं भिजिट भिसा प्रकरणय् गृह मन्त्री दुथ्या: वा दुमथ्या: धइगु खँय् सम्बन्धित निकायं अनुसन्धान यायेफइगु खँ धयादीगु दु। तर न्ह्यस: छु ख: धा:सा

सम्बन्धित मनु गबलय् तक पदय् च्वनाच्चनी उगु इलय् तक सम्बन्धित मन्त्रीयात कया: अनुसन्धान न्ह्याइ मखु। थ्व आम नेपा:मि जनतां मसिउगु खँ निश्चित रुपं मखु। अझ धायेगु ख:सा प्रधानमन्त्री केपी शर्मा ओली भ्रष्टाचारीतय् बचे यायेगुलिं गुलि तक भूमिका म्हितूगु दु धइगु खँ वय्क: पटक पटक प्रधानमन्त्री जूगु इलय् या घटनाक्रमं क्यनाच्चंगु दु। सेक्युरिटी प्रेस न्यायेगु काण्डं निसैं गिरीबन्धु टिस्टेट तकया घटनाय् प्रधानमन्त्री ओलीं म्हिताच्चंगु भूमिका आम सर्वसाधारण जनतां अझ नं ल्व:मंकूगु मदुनि।

अझ गृह मन्त्रीयात कया: ब्वलंगु मेगु न्ह्यस: धइगु न्हापा नं थीथी काण्डय् लायेधुंकूपिं कर्मचारी हे आ: नं गृह मन्त्रालयया सचिवालय च्वनाच्चंगु दु। अथेजुया: नं भिजिट भिसा काण्डय् गृह मन्त्रीया संलग्नता मदु धका: धायेफइगु अवस्था निश्चित रुपं मदु। उकिया मेगु छगू दसु ख: गृह मन्त्रालय दुनेया आपालं कर्मचारी न्हापा छगू नं छगू द्वपं फयाच्चपिं ख:। अले मेता खँ धइगु गृह मन्त्री लेखक मन्त्री जुइवं थ:गु हे कुतलय् अन ह:पिं कर्मचारी ख:। अथे जुया: नं भिजिट भिसा काण्डय् गृह मन्त्रालययात नं स्वानाच्चंगु दु। गृह मन्त्रालयया कर्मचारी स्वानाच्चंगुलिं याना: हे गृह मन्त्रीया राजीनामा फवनेगु ज्या जूगु ख:। थ्व खँयात अन्यथा मकायेगु हे बेस जुइ। सम्बन्धित मन्त्रालयया छम्ह जक कर्मचारीया कारणं उगु

समस्या व:गु ख:सा धायेगु मदु। तर छम्ह कर्मचारी मखु त:म्ह हे कर्मचारी भिजिट भिसा प्रकरणय् स्वानाच्चंगुलिं याना: थौं गृह मन्त्रीया राजीनामाया चर्चा जनस्तरय् जुयाच्चंगु ख:।

मेता खँ धइगु राजनीति याइपिं नेतृत्व वर्गयाके दयेमा:गु धइगु उच्च नैतिक चरित्र हे ख:। तर थ्व खँ नेपालय् उलि लागू जुयाच्चंगु मदु। अथे ला नेपालय् मन्त्रीयात छुं नं कथंया दाग लायेवं राजीनामा बीगु ज्या नेपालय् नं मज्जु पक्का हे मखु। नैतिक चरित्र बल्लापिसं निश्चित रुपं दाग लायेवं राजीनामा बीगु पाय्छि जुइ। लिपा वना: बेदाग जुल धा:सा व ला नेतृत्वया निंतिं हें बांला:गु ज्या जुल। जनतां नं मूल्यांकन याइगु जुल। तर जनतां न्ह्यस: थनाच्चंगु इलय् उकियात पाय्छि जुइक सम्बोधन यायेगु धइगु हे छानबिनया निंतिं लै चिलाबीगु ख:। अले राजनीति याइपिं राजनीतिक नेतातय्सं थुलि नैतिकता ला क्यने हे मा:।





© sharan jyapu hari



रानी महल



पामिला, यल

रानी महल
यज्जुया नामय्
बलिदान, त्याग अले तपस्या
न्ह्याग्गु धा
छगू स्फुर्त भाव व प्रेमया
गथे शाहा जाँ नं मुमताजयात देछात व ताज महल
खड्ग व तेजकुमारीया थूगु अस्तित्व
गुलिखे नापलाय्गु आज्जु
ह्वता: नं चूलाय् हे मा:गु खनी
सुनसान लकस प्रकृतिया मुलय्
मतिनाया चिं
स्वयत् जि वया
महगसया व थौंय् वय् नंकेत
मतिनां भू दनाच्वंगु व चिं स्वय् लंकेत
छगू त:धंगु हे महगस ज्वना:
जि वया थ्व खुसि सिथय्
छथी ग्यसुयंगु प्रविधि
व ईया
दसु इतिहासया
पहाडया थ्व खोचय्
आर्किटेक्चरया थूगु सौच
धात्ये
जि नतमस्तक जुया
गण्डकीया हुन्न सवत
भंग: पछिया कालकुल हा: सलय्
छगू मधूर संगीत हे न्यनाच्वंगु लकस
उकिसनं स्थिर प्याखंपा: कयाच्वंमह
रानी महल
थ्व इलय् जिं जिमि यज्जु लुमंके
पात्र, जिलिसे वयात थने हय् मास्ति वल
सदां सदां ल्यनाच्वनेत
सीसां नं मतिना अथे हे जीवन्त याना तय्
थौं रानीमहल इवाता: जुयाच्वं थें
नुग: नुगलय्
स्पन्दनया प्रतिबिम्ब जुयाच्वं थें ॥

लोभ



आर. मानन्धर

रे मन, यक्व लोभ याये मते छं
मन स्यंकीगु हे ख: रे लोभं

मन स्यनेवं न्हापां मिखा स्यनी न्हां
तापाक वं खनी मखु, दैमखु लिज्ञां
यक्व धन दइ धका: दंग जुत्तलें
आत्मायात जूगु घाटा खनी मखु वं

कर्पिन्त छेकिं तया: थ्याय्त स्वत्तलें
थ:गु तुतिइ थ: हे क्यना: त्याग्रा पुली न्हां
बल्ला:तले न्ह्याक्व फुइँ याना जूसां
जिन्दगीया अन्तिमय् पस्ता: चाइ तसकं

धर्ती ख: जि



विमला मानन्धर

तिमिला जि मखु सर्गतय् त्वइमह
धर्ती ख: जि सकस्यां न्हइमह
आइइया धायेगु शक्ति: मदुमह
वाकु छिना हे स्या: क्वत्यलेफुमह

क्वातु क्वा:सां (पातु पा:सां) च्वातु च्वा:सां
घ्वातु घ्वाना: गालय् कुतुके छ्व:सां
सह: याना हे च्वने जि धर्ती जुया:
भलमल याना: बांलाके थ्व धर्ती

रङ्गीचङ्गी थीथी स्वां ह्वयेके थन
मग मग बासं स्या:गु ल्वमंका:
फ्यतुना हे च्वने जि धर्ती जुया:
नाइसे च्वंगु चाया आभाष बिया:

कंया नाप नापं ह्वये जि गुलाफ जुया:
ममतां बल्लाका च्वने जि थ: थमह हे
धर्ती मां जुया च्वने जि सकस्यां पुज्याका:

स्वाप्



डा. सिर्जना

सर्ग: छपातं छगू सत्य ख:
उलि हे सत्य धरती छगुलिं नं ख:
नगुतय्गु टिलपिल थें
धरतीया हरेक धूया कणकणय् अस्तित्व मानेयाना
तर सर्ग: थीत ब्व:गु ल्हा:तय्गु दथुइ
धरतीं निभा:या ज: व तिमिलाया सिचु हे पनीबले
बेहोशी हे जिगु नं लक्ष सर्ग: जुयाबिल ।

हरेक सुथ जब छपातं न्हि ज्वना वइ सूर्य:
छयंगुया विदाइलय् छ्वइमखु मिखात
छगू चाया मृत्युइ बिचा: हायेकी मखु नुग:चुतय्सं
थथे छाया जुइ धइगु जिगु न्ह्यसलय्
छं याउँक धयाबी -
जुइमा:गु अथे हे ख:, उकिं जुइ ।

थथे हे जब न्ह्यस: ज्वना वये जि
छं ल्ययाल्यया लिस: बी जित:
थौं छगू न्ह्यस: ल्यं दनि
जिं सिल छंके लिस: मन्त हें
न्ह्यस: व लिसया दथुइ भीगु स्वाप्
बिना सम्बोधनं हे ह्वया नं इवा: जुल
वासनाया आनन्द का:पिं साक्षी दु ।

न्ह्यस: द्विचिनेगु रहर मदु आ:
छगू हे जक न्ह्यस: बाकी दनि
उकियात सुचुका गनं
सूचं छ्वय् स्वैगु ल्हातय्
जिके नं न्ह्यस: फुत धका: ।

अले छंगु आपालं सम्भाव्य प्रतिक्रियाय्
ल्यंदुगु न्ह्यस:या लिस: जिं थमहं हे माले
ल्यं दुगु न्ह्यस:या लिस: जिं थमहं हे माले ।

निकू हाइकू



रुक्मणी अमात्य

१. रंगया कासा
ल्वाक:बुक:या घासा
चबूगु आसा ।

२. ल्हाप्सा त्व:गु ई
घमण्डया प्व: तज्या:
छताछुल्ल बैय् ।

हरेक मंगलवा:

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

माला: माला: ब्वनादिसँ ।



Sweet Cave

(जीवन दाईया पस:)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन,
बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

चित्तधर हृदय स्मृति संग्रहालयया उलेज्या



लहना वा:पौ/ कविकेशरी चित्तधर हृदयया ११९ वःगु बुद्धिया हनेगु इवल्य मूपाहाँ यै महानगरपालिका

अथे हे सरस्वती तुलाधरं च्वयादीगु सफू “मोतिलक्ष्मी उपासिका: व्यक्तित्व व कृतित्व”या चिखिप्यने ज्या प्रा. प्रेमशान्ति तुलाधरं यानादीगु दु ।

नेपालभाषा परिषदया छ्याञ्जे पुष्परत्न तुलाधरया सभा नायोसुइ न्ह्याःगु ज्याइवल्य परिषदया मूदुजः श्रीराम श्रेष्ठ लसकुस यानादीगु खः । कवयित्री प्रतिसरा सायमिं न्ह्याकादीगु ज्याइवल्य चित्तधर हृदय स्मृति संग्रहालयया परिचय परिषदया दांभरिं मंगला कारन्जितं बियादीगु खः ।

१८ वडा अध्यक्ष न्हूछेकाजी महर्जनं चित्तधर हृदय स्मृति संग्रहालयया उलेज्या यानादीगु दु ।

जनकवि दुर्गालाल श्रेष्ठ फन्ट पितव्वज्या

लहना वा:पौ / नेपालभाषा साहित्य ख्यःयात च्वन्ह्याकेगु तातुना सेवा यानादीपिं साहित्यकारपितं थीथी कथं कदर याना: वनेगु इवल्य जनकवि दुर्गालाल श्रेष्ठया ल्हा:आख: दुर्गालाल साहित्य प्रतिस्थानपाखें दुर्गालाल श्रेष्ठया फन्ट पितव्वज्या जुगु दु ।

छगू ज्याभूवःया दथुइ यै महानगरपालिकाया उपमेयर सुनिता ढंगोलं जनकवि दुर्गालाल श्रेष्ठ फन्ट श्री गणेशाय नमः आख: टाइप याना पितव्वज्या यानादीगु खः । प्रतिस्थानया नायः महेनमोहन श्रेष्ठया सभा नायोसुइ



न्ह्याःगु ज्याइवल्य फन्ट आख: दयेकादीमह आनन्द कुमार महर्जनं फन्ट

आख:या बारे जानकारी बियादीगु खः ।

आर्थिक विकासय् नेवा: भूमिका विषयस सहलह



लहना वा:पौ/नेवा:त राजनीतिक सांगठनिक रूपं सशक्त मज्जुते नेवा:तय् आर्थिक जुइमखु, उकिं विश्व बजारयात ल्वयेक नेवा:तय्सं पारम्परिक व आधुनिक उद्यम यायेमा:गु निष्कर्ष वंगु शुक्रवा: तोखाय् जूगु संघीय नेपा:या आर्थिक विकासय् नेवा:या भूमिका विषयक सहलह गोष्ठी सहभागीपिसं पिकानादीगु खः ।

गोष्ठी अनुप सिं सुवालं सहलहपौ न्ह्यब्वयादीगु खः । थुकी डा. बाबुराम

भट्टराइ, प्रा.डा. ओमकारेश्वर श्रेष्ठ, सप्रा.डा. राजनलाल जोशी, हिसिला यमि, ३ नं प्रदेश सांसद शैलेन्द्र वज्राचार्य लगायतपिसं सहलह ब्याकादीगु खः ।

सहलहपौ न्ह्यब्वसैं अनुप सिं सुवालं नेवा:तय्त शाह (राणाकालय् राज्यं मूलधारं तापाकातःगुलिं देश गुलि विकास जुइमा:गु खः उलि मज्जु धयादिल ।

डा. बाबुराम भट्टराई नेवा: समुदाय जातीय समुदाय मखुसे राष्ट्र खः धयादिल । नेपाल न्हापा

नं नेवा:तय्सं दयेकूगु खः, आ: नं नेवा:तय्सं हे आर्थिक क्रान्तिया नेतृत्व यायेमा: धयादिल ।

सप्रा डा. राजनलाल जोशीं नेवा:तय् आर्थिक विकासया लागिं राजनीतिक सोचय् थःपिं परिपक्व जुइमा:गु खँय बः बियादिल ।

प्रा.डा. ओमकारेश्वर श्रेष्ठं देशया आपालं ख्यलं नेवा:तय्त विस्थापन यानायंकूगु खँय च्यूता: प्वकादिल । प्रदेश नं ३ या सांसद शैलेन्द्र वज्राचार्य नेवा:त आ: तक नं आर्थिक नेतृत्व यायेत सक्षम जुयाच्वंगु दावी यानादिल । नेपालया आर्थिक विकास यायेत नेवा:त गम्भीर जुया: अध्ययन याना: बजारय् न्ह्यावनेमा:गु खँ नं वय्कलं धयादिल । वय्कलं नेवा:तय् लागिं विश्व बजार चालाच्वंगुलिं थःत चकंका यंकेमा:गु खँय बः बियादिल । सहलह गोष्ठीयात न्हुछेशोभा तुलाधरं लसकुस यानादीगु खः ।

देवदास लुमन्ति सफू पिदन



लहना वा:पौ/ देवदास मानन्धरं यानादीगु थीथी ज्यायात लुमंका: लक्ष्मीदास मानन्धर स्मृति प्रतिष्ठानं यँया नेपा: बैकवटय् देवदास मानन्धर लुमन्ति पुथि उलेज्या या:गु दु ।

नेपालभाषा एकेडेमिया नायः मल्ल के. सुन्दरया मू पाहाँसुइ जूगु ज्याइवल्य नेवा: न्ह्यलुवा: साहित्यकार हितकरबीर सिं कंसाकार लिसें आपालं नेवा: न्ह्यलुवापिं पाहाँ कथं उपस्थित जुगु खः । ज्याइवल्य देवदास मानन्धरया जहान सरोज

मानन्धरं लसकुस यानादिगु खः ।

ज्याइवल्य लुमन्ति पुथि च्वसु च्वयादिपिं १६० म्हिसित सुभाय् पौ व लुमन्ति पुथि पिकायेत विशेष ग्वाहालि यानादीपिं खुम्हासित लुमन्ति चिं लः ल्हा:गु खः ।

लक्ष्मीदास मानन्धर स्मृति प्रतिष्ठानया नायः नारायणदास मानन्धरया सभापतित्वय् जूगु ज्याइवल्य लुमन्ति पुथि सुफूया सम्पादक बिष्णु चित्रकारं सफूयात कया: थःगु नुगः प्वकादीगु खः ।

मेयर व वडा...

हाजिर याकूगु खः । प्रमुख प्रशासकीय अधिकृत गुरागाईयात हाजिर याकेगुलिं प्रमुख भूमिका म्हितादीमह मानन्धरयात स्पष्टीकरण न्यंगु कारणं नं थ्वहे जूगु खँ महानगरपालिकाया कर्मचारीतय्सं धा:गु दु । थ्वहे इवल्य मेयर साहया कारणं याना: यै महानगरपालिकाया बजेट तथा कार्यक्रम ज्याइवः नं प्रभावित जुइगु सम्भावना अप्वया वनाच्वंगु दु । वंगु दँय् जूसा थ्व इलय् तक बजेट व कार्यक्रमयात कया: थीथी ज्याइवः न्ह्यायेधुंकीगु खःसा थुगुसी कार्यपालिकाया बैठक तक मतयाच्वंगुलिं याना: बजेट नं प्रभावित जुइगु सम्भावना अप्वया वनाच्वंगु दु । यै महानगरपालिकाया मेयर साहं वंगु न्याला न्ह्यर्वनिसें कार्यपालिकाया बैठक सःतेगु ज्या मयानाच्वंगु खःसा वंगु चैत १० गते प्रवक्ता मानन्धरया न्ह्यलुवाय् कार्यपालिकाया बैठक सतेमा:गु माग यासें मेयर साहयात ज्ञापन पौ बिउगु खः ।

तर मेयर साहं बैठक मसःतेवं आ: बजेटया कार्यक्रम तक प्रभावित जुइगु सम्भावना अप्वया वनाच्वंगु खँ नं प्रवक्ता मानन्धरं धयादीगु दु । वय् कःया कथं बजेट व कार्यक्रम दयेके न्ह्यः कार्यपालिकाया बैठक च्वनेमा: । वयां लिपा थीथी समितिया बैठक च्वनेमा: । अले थीथी वडां बजेट माग याइगु खःसा उकियात कया: राजश्व परामर्श समिति लिसे थीथी समितिं सहलह लिपा उकियात कार्यपालिकाया बैठकं अनुमोदन यायेमा: । वयां लिपा नगरसभा उकियात अनुमोदन यायेधुंका:

जक बजेट सार्वजनिक यायेमा: ।

प्रवक्ता मानन्धरया कथं असार १५ गते तक बजेट व कार्यक्रमया निती ई दनिगुलिं याना: खास हे समस्या मवइगु खँ धासें वय्कलं तर जेठया मसान्त लिपा धा:सा न्हियान्हिं ज्या यायेगु अवस्था वल धा:सा बजेट दयेकेत समस्या मज्जु खँ कनादीगु दु ।

न्यागू भासं ...

प्रेस काउन्सिल नेपालया अध्यक्ष बालकृष्ण बस्नेतं देय्या थीथी भू-भागय् न्वावाइगु मांभाय्या प्रवर्द्धनय् पत्रकारिताया महत्वपूर्ण योगदान दइगु खँ धयादिल । वय्कलं सञ्चारया दकलय् सतिगु व थुइगु भाय् हे मांभाय् जूगुलिं उकियात प्रवर्द्धन यायेगु निती काउन्सिलं ज्या यानाच्वनागु खँ धयादिल । वय्कलं धयादिल, 'मांभाय्या सञ्चार माध्यम नेपा:या पत्रकारिताया सुन्दरता व राज्यया वैभव खः । अथेजुया: उकियात प्रवर्द्धन यायेत काउन्सिलं रचनात्मक ज्या याना: वयाच्वंगु दु ।'

ज्याइवल्य च्वमि लिसे पत्रकार डा. कृष्णराज सर्वहारी, नृपेन्द्रलाल श्रेष्ठ, पुष्कर माथेमा, पदम राई, अमर तुम्वाहाङ, विष्णुमाया सिङ्गक, गणेश राई, अर्जुन तामाङ, बुनु थारु, मनोज वर्मा, वीणा सिन्हा, धनबहादुर मगरपिसं भाषागत पत्रकारिताया अवस्था व अनुभव न्यंकादीगु खः । ज्याइवःया सहजीकरण काउन्सिलया मुख्य अधिकृत भबिन्द्र भुसालं यानादीगु खः ।

त्वहंक:मि शिल्पकार सेवा समाज यलया भिंगुक्व:गु दँमुज्या

लहना वा:पौ/त्वहंक:मि (शिल्पकार) सेवा समाज यलया भिंगुक्व:गु दँ मुज्या, त्वहंक:मिपिनिगु द्यगुद्यः परिसर मणिडों, मणिडों मार्ग यल सं क्वचागु जुल । समाजया कार्यवाक नायः सुरेन्द्र शिल्पकारजु या सभा नायः सुई न्ह्यागु उगु ज्याइवःल्य लसकुश न्वचु बिया पाहाँ पित्त लसकुश यानादीगु जुल । ज्याइवःया मू-पाहाँ, बागमति प्रदेशसभाया सदस्य रामकृष्ण चित्रकारं त्वा देवा:य् मत



च्याका: ज्याइवःयागु उलेज्या याना भिन्तुना न्वचु बिया दिइगु खः ।

ज्याइवःया पाहाँपिं नेपालभाषा

मंका खल, यलया नायः हिराकाजी महर्जनलिसें थीथी समाजया नायःपिसं ब्वति का:गु खः ।

प्रचलित नेपाललिपिं पिहाँ वयाच्वंगु
म्हसीका लय्पौ ब्वनादिसैं/ब्वकादिसैं

महीका लय्पा
MHASIKA Monthly | म्हसीका मासिक

गोरखापत्र संस्थानय् उपेश महर्जनयात बिदाई



लहना वाःपौ/गोरखापत्र संस्थानया सम्पादक सल्लाहकार उपेश महर्जनयात आइतवा छगू ज्याइवःया दशुइ बिदाई ज्याभ्वः याःगु दु। २०८० जेष्ठ १२ गते च्वंगु मन्त्रिपरिषदया बैठकं वय्कःयात सम्पादक सल्लाहकार नियुक्त याःगु खःसा वय्कःया निर्देशा कार्यकाल

पूर्वकाः बिदाई याःगु खः।

विदाई ज्याइवलवय् संस्थानया कार्यकारी अध्यक्ष विष्णुप्रसाद सुवेदी व महाप्रबन्धक लालबहादुर ऐरी वय्कःयात मतिनाया चिं लःल्हाःगु खः। वय्कःयात संस्थानया प्रकाशन प्रमुख व विभागीय प्रमुख लगायत सहकर्मीपिसं नं बिदाई याःगु खः।

सम्पादक सल्लाहकार महर्जन संस्थानया पत्रकार व सम्पादक सल्लाहकारया रुपं १७ दै १० ला व २७ न्हु तक सेवा यायेगु अवसर चूलाःगु खँ कनादिल। गोरखापत्रनापया घनिष्ठ स्वापू सदां दयाच्चनीगु विश्वास प्वकादिसैं वय्कलं गोरखापत्र छगू ऐतिहासिक संग्रहालय व नेवाः पत्रकारिताया विद्यालय जगू न्हयथनादिल। गोरखापत्र दैनिकया कार्यवाहक प्रधान सम्पादक जुनारबाबु बस्नेत, डिजिटल प्रमुख नारद गौतम, योजना विभाग प्रमुख भगीरथ बस्नेत व गोरखापत्र संस्थान नेपाल राष्ट्रिय कर्मचारी संगठन २०६३ का सभापति विष्णुप्रसाद खनालं सम्पादक सहकार्य वय्कःया सल्लाहकार सहकार्यया बारे चर्चा यानादीगु खः।

नेवाः न्हयलुवा डा. महेश मान श्रेष्ठयात हन

लहना वाःपौ/नागरिक न्हयलुवा डा. महेश मान श्रेष्ठयात हंगु दु। नेवाः राष्ट्रिय मुक्ति मोर्चा नेपाःया २८ क्वःगु स्थापना दिंया लसताय वय्कःयात हंगु खः। डा. श्रेष्ठ देशभक्ततयगु आन्दोलन, वामपन्थी व आदिवासी जनजातिया मुद्दा, सामाजिक क्षेत्रय् योगदान बियादीम्ह वय्कःयात हंगु खः।

ज्याइवलवय् डा. श्रेष्ठ नेपालय् दुगु स्वंगू धाःमध्ये लिउने लाःगु व यथास्थितिवादी धाः देय्या निरिति अभिशाप जगू धासैं नेपालय् न्हगु कथंया संघीय जनगणतन्त्र पलिस्था



यायेमाः धयादिल। लिपांगु इलय् विभाजित जुयाच्चंगु वामपन्थी शक्ति छथाय् वयेमाःगु वय्कःया बिचाः दु। वय्कलं देशघाती, भ्रष्टाचार व

उत्पीडित आदिवासी जनजातिनिसैं मेमेगु समुदाययात दमन याःगु हुनिं देय् संकटपूर्ण अवस्थाय् थ्यंगु द्वपं बियादीगु दु।

सुथसिया निभाः जुयाः कभर म्ये कासा



लहना वाःपौ/कन्फराक्टिभ मिडिया सोलुसनं छगू पत्रकार सम्मेलन यानाः नेवाः भाय्या म्ये “सुथसिया

निभाः जुया” कभर म्ये कासा जुइगु घोषणा याःगु दु। प्रतिस्पर्धाय् वःगु म्ये सामाजिक संजालया यूट्यूबपाखें

वःगु म्येयात निर्णायकपिसं क्ववालीगु जानकारी बिउगु दु। पुरुषोत्तम श्रेष्ठमा सः दुगु थुगु म्ये नेवाःतयगु बिचय् जक मखुसैं देसदेय् च्वपिन्सं तक स्वया म्ये हालाः ब्वति काय् दै।

यूट्यूबय् च्वंगु म्येया क्यारावोके डाउनलोड यानाः उकि म्ये हालाः रेकर्ड यानाः suthasiya.myekasa@gmail.com य् इमेलपाखें वइगु असार ८ गतेतक दुथ्याकेत ग्वसा खलकं इनाप याःगु दु।

तेजमान बज्राचार्य एकल साँभ



लहना वाःपौ/वरिष्ठ बाद्यबादक तेजमान बज्राचार्यया एकल साँभ तःजिक क्वचाःगु दु।

नीलः सास्कृतिक पुचः १९ दै क्यःगु लसताय् जगू उगु ज्याभ्वःया उलेज्या वरिष्ठ गायक रामकृष्ण दुवालं यानादीगु खः।

वरिष्ठ बाध्यबादक तेजमान

वज्राचार्य किबोर्ड थानाः नेवाः नापं नेपाली फ्युजनया संगीत न्हयब्वयादीगु खः।

ज्याभ्वलवय् वरिष्ठ बाद्यबादक तेजमान बज्राचार्य, वरिष्ठ गायक प्रवेशमान शाक्य व हिराबहादुर महर्जनयात नं वरिष्ठ गायक रामकृष्ण दुवालं हनापौ लःल्हानादिसैं हंगु खः।

गणतन्त्र दिवस, २०८२ भव्यरूपमा मनाऔं

गणतन्त्र दिवस (जेठ १५ गते) को अवसरमा विभिन्न कार्यक्रमको आयोजना गरौं। लोकतान्त्रिक गणतन्त्रका उपलब्धिलाई संस्थागत गरौं। लोकतान्त्रिक अभ्यासलाई मजबुत बनाऔं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शुलभ स्वास्थ्य सेवा सकसियां निति, असहायका निति जक निःशुल्क"

उपलब्ध सेवा	ग्रन्थक्रिया	बहिरङ्ग सेवा	मेमेगु सेवा
२४ घण्टा सेवा	मोतिविन्	● मुटु रोग	● टेसिङ
● इमरजेन्सी	● स्तरय कन्ट्री	● फेद रोग	● इण्टोस्कोपी
● प्याथोलोजी	● नक्क बास पेटो सम्बन्धि	● युरोलोजी	● कोलोन्स्कोपी
● एक्स रे	● हाइजेनी तथा नक्क सम्बन्धि	● स्त्री रोग	● फिजियोथेरापी
● ई सी जी	● बिना विचारक प्रिण्डर नक्को पक्कर सम्बन्धि	● बाल रोग	● इन्ट्राउटर, कन्ट्रिक्चर र इको
● औषधि पसल		● क्वान्जर रोग	● इन्ट्रापेनी लस्को इन्ट्र प्रोक्लाना
● अन्तरंग सेवा		● यन्त्र रोग	● टि.एम.टि. हल्टर
		● ओरिज रोग	
		● जनरल मेडिसिन	
		● यम नक्का बीन रोग	
		● नक्क बास पेटो रोग	
		● जनरल हेल्थ चेक अप	
		● बाइरोइड	
		● मधुमेह	

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९

२४ घण्टा

इमरजेन्सी सेवा